



**Inatsisartut aalajangiiffigisassaattut siunnersuutigineqarpoq, Naalakkersuisut peqquneqassasut pisortanit ikiorsiissutit pillugit allannguuteqaqqullugit, taamaalilluni namminerisamik illuutillit aammalu inissianik piginneqatigiillutik pigisallit pisinnaatitaaffigilissagaat pisortanit ikiorsiissutinik ikiorneqarsinnaanngortillugit, kræfteqarlutik nappaateqarnertik ilutigalugu katsorsagassanngoraangamik naliginarmik akissarsionertik unikkallaraangat sulisinnaajunnarnertik pissutigalugu. Nalunaarusiami erseqqissarneqassaaq ajornartorsiut qanoq isikkoqarnersoq aammalu qanoq ikiortarialiunersut taamatut pisinnaatitaaffilissapata. Nalunaarusiaq juli 2022-mi kingusinnerpaamik saqqummiunneqassaaq.**

(Inatsisartunut ilaasortaq Erik Jensen, Siumut)

### **Siullermeerinnineq**

Siunnersuuteqartoq Erik Jensen, Siumut qujanaq saqqummiussannut.

Ukiorpassuannngortuni napparsimasut peqqissariartornerminni Nunarput qimallugu, sulinnngiffeqartarnerminni inigisartik allallu aningaasartuutitik akilerniarnissaat ajornartorsiutigisaqaat, ilaqartarput iniminni annaasaqartut allanullu aamma akiligassaminnut angummassinnaajunnaartartut.

Napparsimasut peqqissariartornerminni namminerisamik illuutillit aammalu inissianik piginneqatigiillutik illuutillit minnerunngutsumillu inissianik attartortittakkanik pisortat iniutaaniittut tamakkua aamma ikiorneqartarnissaat pissusissamisoortutut isigaarput. Inuppassuaqarpoq napparsimallutik katsorsartinnerminnut atatillugu nunarput qimallugu katsorsariartittartunik, amerlasuut inigisartik annaasinnaasarpaat, inimik allanillu akiligassanik annaasaqannginnissaq pinaveersaarniarlugut iliuuseqartariaqarnerput pingaaruteqarluinnarpoq.

Napparsimasummi katsorsariartut suliaritikkiartortut toqqissillutik nunatsinnut angerlaqqinnissaat pingaaruteqarluinnarpoq, akiligassatigut katataasimannginnissartik pingaartilluinnartarpaat.

Taama naatsumik oqaaseqarluta siunnersuut itigartipparput, piareersaasiernerit maannakut ingerlareernerit pissutigalugit Naalackersuisullu UPA/2022 saqqummiussassaat, ikiorsiissutit pillugit aaqqissuusseqqinnissat qilanaaraarput.